



## Malittarisassat

# Qerisunik nassiussinissamut

Ilitsersuut una atuaruk Danmarkimi ilaqtannut aamma ikinngutinnut qerisunik nassiussaqtinnak, taava kinguaattoornerit aamma immikkut aningaasartuuteqarnerit pinngitsuussavatit.

Poortukkat qerisut tamarmik Royal Arctic Line aqquqitalugu Danmarkimut nassiunneqartut Danmarkimi aamma EU-mi ilanngaaserinermut aamma inuussutissalerinermut maleruagassanut attuumassuteqarput.

Illit nassiussanik nassiussisutut akisussaaffigaat nassiussat maleruagassat malillugit eqqortumik nassiunneqarnissaat.

Aalborgimi Inuussutissalerinermut Nakkutilliusup aamma/maluunniit ilanngaaserisut (Told & Skat) imaluunniit oqartussaasut allat, poortukkap qerisunik imaqtartup inummiit inummut nassiussaasup, maleruagassat malinnagit nassiunneqarsimasooq qularnaarlugu paasippassuk, taava poortugaq unitsinneqassaaq. Ajornerpaamik pisoqarpat poortugaq utertinneqassaaq imaluunniit nassiussisumut akiligassanngorlugu suujunnaarsinneqarluni.

Tassa arlaannik pisoqarpat tamatum kingunerissavaa tiguneqarnissaata kinguuttoornera aamma immikkut aningaasartuuteqarneq, taakku nassiussisumut imaluunniit tiguisussamut akiligassanngortinneqarsinnaallutik.

### Maleruagassat inuussutissanut tunngasut

Akitsuutinut aalajangersakkat tamakkiisumik nassaarineqarsinnaapput uuma ataani "Bekendtgørelse om veterinærkontrol ved indførsel af animalske fødevarer" (Nerisassanik uumasunit pisunik eqqussinermi nersutit nakorsaasa nakkutillinerat pillugu nalunaarut) [www.retsinformation.dk](http://www.retsinformation.dk)

Kapitali 9-mi "privates indførsel" (inunnit ataasiakkaanit eqqunneqartut) tunniussinermi imarisai nalunaarutigineqassapput.

Suussutsit ataasiakkaarlugit oqimaassusaat tamarmik nassiussanut allagartamut allanneqassapput.

### Tiguisussamut ataatsimut annerpaamik 5 kiilut

Danmarkimi tiguisussamut ataatsimut annerpaamik neqi imaluunniit aalisakkat 5 kiilut nassiunneqarsinnaapput.

Malugiuk, uumasut allatorneqartut neqaat avammut nassiuteqquusaanngimmata:

- Qilalugaq qernertaq
- Tikaagulliusaaq
- Qipoqqaq
- Kigutilissuaq
- Arfivik
- Niisarnaq
- Niisa
- Aaveq
- Nanoq

Taamaattorli tulliuuttut Danmarkimut nassiunneqarsinnaapput:

- Tikaagullik Kalaallit Nunaat kitaaneersooq
- Qilalugaq qaqrtaq

### Nassiussat inummut ataasiinnaangitsumut

Tiguisussanut arlalinnut ataatsimootumik 5 kiilut sinnerlugit oqimaassusilinnik nassiussinaruit, taava nassiussassatit tiguisussamut ataatsimut poortukkamut immikkut poortussavatit, taakkualu oqimaassutsip killissaanik aamma maleruagassanik allanik eqqortissapput kiisalu poortugaq tiguisussap aqqanik aamma najugaanik erse qqissumik allagartalissavat.

### Nassiussanut poortuutissanik uagutsinnit pisigit

Royal Arcticip umiarsualivimmi nassiussaleriffiani sullissineranut ilaavoq nassiussinermut poortuutissamik karsimik pisisinnaaneq, karsit angissusiat qerisunut nassiussassanut 5 kiilunik oqimaassusilinnut amerlanernut naammapput.

### Ilanngaaserinermut maleruagassat

Poortukkap ataatsip nalingata € 45 sinnersimappatigit taava moms qaavatigit ilanngunneqassaaq. Akitsuut taanna moms tiguisussamut akiligassanngortinneqassaaq. Poortukkap ataatsip nalingata € 500 sinnersimappatigit, taava akitsuutit told aamma moms qaavatigit ilanngunneqassapput. Akiligassaq tamanna aammattaaq tiguisussamut akileqquneqassaaq.

Naligitinneqartut kisitsisit aalajangersimasumik annertussusillit atorlugit aalajangerneqartarput, taakku danskit ilanngaaserisoqarfianit aalajangersarneqartarput. Kisitsisit aalajangersimasumik annertussusilinnut atuuttunut paasissutissat Danmarkimi Told & Skatimi pissarsiarineqarsinnaapput.

### Nassiussineq

Nassiussat qerisut inummiit inummut nassiunneqartut nassiunneranni akiligassaq tamatigit nassiussisumit akilerneqartassaaq, tassani apeqquutaanngilaq nassiussaq Danmarkimut imaluunniit Kalallit Nunaanni namminermi nassiunneqarnerisooq.

Nassiussanik tiguisussat Aalborgip aamma Jyllandip avannaata avataaniippata (illoqarfiit normui 9000 ataallugit) taava Royal Arctic

Linep nassiussaq qerititsiveqarfimmu, nassiussanik tiguisussap najugarisaanut qaninnerpaamiittumut tunniutissava. Tamassuma kingorna nassiussamik tiguisussaq allagarsitinneqassaaq nassiussat sumut aaneqarsinnaanerannut tunngasumik. Assartuineq taanna aammattaaq nassiussisumit nassiussinermi akilerneqassaaq.

**– Nalorniguit taava sumiiffinni umiarsualivimmi allaffik apeqquteqarfigiuk!**